



Broj: A-III-54/24-IV  
Sarajevo, 29.11.2024. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 64. stav (1) tačka a), člana 70., 87., 88., 89. i 98. stav (4) Zakona o javnim nabavkama („Službeni glasnik BiH”, broj 39/14, 59/22 i 50/24) – u daljem tekstu: ZJN, člana 9., 37. i 44. Pravilnika o javnim nabavkama roba, usluga i radova u Kantonalnom tužilaštvu Kantona Sarajevo, broj: A-419/24 od 24.05.2024. godine, te preporuke Komisije za provođenje postupka javne nabavke usluga „Nabavka usluga obaveznog osiguranja službenih vozila Kantonalnog tužilaštva Kantona Sarajevo s kasko osiguranjem”, date u Zapisniku broj: A-III-54/24-III od 27.11.2024. godine, Glavna kantonalna tužiteljica donosi:

## O D L U K U

**o izboru najpovoljnijeg ponuđača i dodjeli ugovora za nabavku usluga: „Nabavka usluga obaveznog osiguranja službenih vozila Kantonalnog tužilaštva Kantona Sarajevo s kasko osiguranjem”**

### I

Prihvata se preporuka Komisije za javne nabavke i Ugovor za javnu nabavku usluga „Nabavka usluga obaveznog osiguranja službenih vozila Kantonalnog tužilaštva Kantona Sarajevo s kasko osiguranjem”, dodjeljuje se ponuđaču **“OSIGURANJE AURA” A.D. BANJA LUKA – PJ SARAJEVO, Ul. Veljka Mladenovića 7 D, Banja Luka**, prema ponudi broj: T-166/24, sa ukupnom cijenom obaveznog osiguranja od automobilske odgovornosti sa zelenim kartonom i kasko osiguranja vozila u iznosu od **1.242,62 KM bez PDV-a**, kao najpovoljnijem ponuđaču.

### II

Nakon isteka roka od 10 dana, sa izabranim ponuđačem zaključit će se Ugovor u trajanju od jedne godine dana, počev od 01.01.2025. do 31.12.2025. godine, kojim će se regulisati međusobna prava i obaveze vezano za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

### III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) ZJN.

### IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

## O b r a z l o ž e n j e

Na osnovu Odluke o pokretanju postupka javne nabavke broj: A-III-54/24 od 14.11.2024. godine i Obavještenja o nabavci broj: 274-7-2-198-3-29/24 od 15.11.2024. godine, objavljenog na Portalu javnih nabavki, pokrenut je postupak javne nabavke usluga: „**Nabavka usluga obaveznog osiguranja službenih vozila Kantonalnog tužilaštva Kantona Sarajevo s kasko osiguranjem**”, procijenjene vrijednosti 3.000,00 KM bez PDV-a, putem Konkurentskog zahtjeva za dostavljanje ponuda. Ugovorni organ je predvidio sklapanje Ugovora na period do jedne (1) godine, i to za period od 01.01.2025. do 31.12.2025. godine

Kriterij za dodjelu Ugovora, shodno odredbama člana 64. ZJN, je „ekonomski najpovoljnija ponuda“.

Za predmetnu nabavku, tekst tenderske dokumentacije Konkurentskog zahtjeva ponuđači su mogli preuzeti samo putem Portala javnih nabavki.

Zahtjeve za pojašnjenje ponuda u zakonskom roku je uputio ponuđač „SARAJEVO-OSIGURANJE“ d.d. Sarajevo i to dana 20.11.2024. godine sa molbom da se izmijeni tenderska dokumentacija u dijelu Obrasca za cijenu ponude – usluge – Prilog 2. „Napomene“, tačka 6., gdje se spominje premijski sistem X-AO, koji je prestao da važi.

Ugovorni organ je provjerama utvrdio da je zaista premijski sistem X-AO prestao da važi i isti dan odgovorio na zahtjev za pojašnjenje ponude i izmijenio tendersku dokumentaciju u gore navedenom dijelu, te ista glasi:

"6. Ponuđači su dužni pridržavati se uslova osiguranja vlasnika vozila od odgovornosti za štetu prouzrokovanu trećim osobama i premijskog stepena po Tarifi, odnosno važećih uslova za osiguranje od odgovornosti za motorna vozila u Republici Srpskoj, a sve u skladu sa važećim zakonskim odredbama (Odluka o uvjetima za osiguranje vlasnika vozila od odgovornosti za štete prouzrokovane trećim osobama, Službene novine FBiH broj: 77/20, Odluka o izmjeni Odluke o uvjetima za osiguranje vlasnika vozila od odgovornosti za štete prouzrokovane trećim osobama, Službene novine FBiH broj: 56/23, Odluka o izmjenama Odluke o načinu utvrđivanja tarife premije i cjenika za osiguranje vlasnika vozila od odgovornosti za štetu prouzrokovanu trećim osobama, Službene novine FBiH broj: 69/23 i Odluka o zajedničkoj tarifi premija i cjenovniku za osiguranje od odgovornosti za motorna vozila u Republici Srpskoj, Službeni glasnik RS broj: 8/24). Polica za svako pojedino vozilo će biti plaćena propisanim tarifama za AO i prema evidencijama u Knjizi štetnika u momentu registracije vozila."

Ponuđač "SARAJEVO-OSIGURANJE" d.d. Sarajevo je ponovo postavio pitanje dana 20.11.2024. godine, sa molbom da se pojašni s obzirom da se u odgovoru na ovom portalu kao i izmjeni TD pozivate na tarifu iz Republike Srpske a po svemu sudeći, tender je iz Federacije BiH, molimo za pojašnjenje po kojoj tarifi treba obračunati cijene s obzirom da postoji znatna razlika između ove dvije tarife.

Dodatnim provjerama, Ugovorni organ je utvrdio da nije moguće izvršiti registraciju vozila u Federaciji BiH po tarifama iz Republike Srpske, te 21.11.2024. godine odgovara na zahtjev za pojašnjenjem i ponovo mijenja tendersku dokumentaciju u gore navedenom dijelu, te ista glasi:

"6. Ponuđači su dužni pridržavati se uslova osiguranja vlasnika vozila od odgovornosti za štetu prouzrokovanu trećim osobama i premijskog stepena po Tarifi, a sve u skladu sa važećim zakonskim odredbama (Odluka o uvjetima za osiguranje vlasnika vozila od odgovornosti za štete prouzrokovane trećim osobama, Službene novine FBiH broj: 77/20, Odluka o izmjeni Odluke o uvjetima za osiguranje vlasnika vozila od odgovornosti za štete prouzrokovane trećim osobama, Službene novine FBiH broj: 56/23 i Odluka o izmjenama Odluke o načinu utvrđivanja tarife premije i cjenika za osiguranje vlasnika vozila od odgovornosti za štetu prouzrokovanu trećim osobama, Službene novine FBiH broj: 69/23). Polica za svako pojedino vozilo će biti plaćena po propisanim tarifama za AO i prema evidencijama u Knjizi štetnika u momentu registracije vozila."

Rok za prijem ponuda bio je 27.11.2024. godine do 10:00 sati. Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-135/24 od 14.02.2024. godine (u daljem tekstu Komisija) je dana 27.11.2024. godine u 10:15 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, koji je dostavljen svim ponuđačima koji su učestvovali u postupku u zakonskom roku.

Nakon otvaranja ponuda, Komisija je izvršila je pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-54/24-III od 27.11.2024. godine, koji je sastavni dio ove Odluke, i u kome je konstatovala sljedeće:

U ostavljenom roku, blagovremeno je pristiglo šest (6) ponuda.

Pregledom i analizom dostavljene *dokumentacije svih ponuđača*, Komisija je utvrdila da su sve dostavljene ponude blagovremene, te da su ponude ponuđača **"ASA CENTRAL OSIGURANJE" d.d. Sarajevo, "CROATIA OSIGURANJE" D.D. MOSTAR – PJ SARAJEVO, "OSIGURANJE AURA" A.D. BANJA LUKA – PJ SARAJEVO, "SARAJEVO OSIGURANJE" d.d. Sarajevo, "EUROHERC OSIGURANJE" D.D. SARAJEVO" i ADRIATIC OSIGURANJE" d.d. Sarajevo prihvatljive** prema obliku, sadržaju, potpunosti i sposobnosti obavljanja profesionalne djelatnosti.

Komisija je pristupila analizi ponuda prihvatljivih u pogledu pravilnosti ponuda, odnosno da li su ponude u skladu sa tenderskom dokumentacijom u pogledu zadovoljavanja tehničkih uslova vezanih za predmet nabavke, zahtijevanih u tehničkoj specifikaciji, tačka 2.1. tenderske dokumentacije Konkurentskog zahtjeva, da li su ponude primljene izvan roka za dostavu ponuda, da li postoje dokazi o tajnom sporazumu ili korupciji ili ponuda nije rezultat tržišne konkurencije, te da li je ugovorni organ utvrdio da je cijena ponude izuzetno niska (neprirodno niska). Komisija je utvrdila da su sve ponude ponuđača **"ASA CENTRAL OSIGURANJE" d.d. Sarajevo, "CROATIA OSIGURANJE" D.D. MOSTAR – PJ SARAJEVO, "OSIGURANJE AURA" A.D. BANJA LUKA – PJ SARAJEVO, "SARAJEVO OSIGURANJE" d.d. Sarajevo, "EUROHERC OSIGURANJE" D.D. SARAJEVO" i ADRIATIC OSIGURANJE" d.d. Sarajevo, pravilne**, u skladu sa tenderskom dokumentacijom, odnosno tehničkom specifikacijom, da su primljene u roku za dostavu ponuda, da ne postoje dokazi o tajnom sporazumu ili korupciji, te da su ponude rezultat tržišne konkurencije i cijene ponude nisu izuzetno niske (neprirodno niske). Nakon pregleda i analize dostavljenih ponuda, Komisija konstatuje da su sve ponude prihvatljive i pravilne .

Polazeći od gore navedenih konstatacija i činjenice da su sve blagovremeno pristigle ponude prihvatljive i pravilne za ugovorni organ, s obzirom da ispunjavaju uslove iz tenderske dokumentacije Konkurentskog zahtjeva, Komisija je pristupila vrednovanju prihvatljivih ponuda, shodno utvrđenom kriteriju „ekonomski najpovoljnija ponuda“ tehnički zadovoljavajuće ponude, a koje se ocjenjuju na osnovu sljedećih kriterija:

- a) Cijena - 90% - maksimalan broj bodova 90 dodijelit će se ponuđaču koji je ponudio najnižu cijenu. Ostali ponuđači će u skladu s tim dobiti manji broj bodova prema formuli datoj u tački 7. a) TD.
- b) Rok obrade odštetnog zahtjeva u odnosu na dan podnošenja kompletnog zahtjeva – 10% - maksimalan broj bodova (10) će se dodijeliti ponuđaču koji je predložio najkraći rok obrade odštetnog zahtjeva u odnosu na dan podnošenja kompletnog zahtjeva. Ostali ponuđači će u skladu s tim dobiti manji broj bodova prema formuli datoj u tački 7. b) TD.

Ocjena ponuda – bodovanje dato je u sljedećoj tabeli:

Broj protokla ugovornog organa	Redni broj koverta	Naziv ponuđača	Cijena KM	Najniža cijena -90 bodova	Rok obrade odštetnog zahtjeva u odnosu na dan podnošenja kompletnog zahtjeva	Najkraći rok obrade odštetnog zahtjeva 10 bodova	UKUPNO BODOVA	Poredak ekonomski najpovoljnija ponuda
ID 12051	1.	“ASA CENTRAL OSIGURANJE” D.D. SARAJEVO	1.472,55 KM	75,95	1 DAN	10	85,95	2.
ID 12064	2.	“CROATIA OSIGURANJE” D.D. MOSTAR – PJ SARAJEVO	2.318,10 KM	48,24	1 DAN	10	58,24	6.
ID 12112	3.	“OSIGURANJE AURA” A.D. BANJA LUKA – PJ SARAJEVO	1.242,62 KM	90	1 DAN	10	100	1.
ID12113	4.	“SARAJEVO OSIGURANJE” D.D. SARAJEVO	1.481,00 KM	75,51	1 DAN	10	85,51	4.
ID12116	5.	“EUROHERC OSIGURANJE” D.D. SARAJEVO	2.222,82 KM	50,31	1 DAN	10	60,31	5.
ID 12117	6.	“ADRIATIC OSIGURANJE” D.D. SARAJEVO	1.480,66 KM	75,53	1 DAN	10	85,53	3.

Shodno navedenom na osnovu navedenog kriterija – rang lista prihvatljivih ponuda za nabavku usluga „Obaveznog osiguranja službenih vozila Kantonalnog tužilaštva Kantona Sarajevo s kasko osiguranjem” je slijedeća:

R.B.	Naziv ponuđača	Vrijednost ponude bez PDV-a
1.	“OSIGURANJE AURA” A.D. BANJA LUKA – PJ SARAJEVO , broj ponude: T-166/24	1.242,62 KM
2.	“ASA CENTRAL OSIGURANJE” d.d. Sarajevo, broj ponude: 071676/24	1.472,55 KM
3.	“ADRIATIC OSIGURANJE” D.D. SARAJEVO, broj ponude: 139/24	1.480,66 KM
4	“SARAJEVO OSIGURANJE” d.d. Sarajevo, broj ponude: 01-9742/24	1.481,00 KM
5	“EUROHERC OSIGURANJE” D.D. SARAJEVO, broj ponude: 243033001	2.222,82 KM
6	“CROATIA OSIGURANJE” D.D. MOSTAR – PJ SARAJEVO, broj ponude: 01-171/24	2.318,10 KM

Kao prvorangirana najpovoljnija ponuda, prema kriteriju ekonomski najpovoljnija ponuda je ponuda izabranog ponuđača “OSIGURANJE AURA” A.D. BANJA LUKA – PJ SARAJEVO, Ul. Veljka Mladenovića 7 D, Banja Luka, sa cijenom ponude obaveznog osiguranja od automobilske odgovornosti sa zelenim kartonom i kasko osiguranja za svako vozilo:

R. Br.	Opis vozila	Količina (kom)	Cijena – OBAVEZNO osiguranje od automobilske odgovornosti bez PDV-a	Cijena KASKO osiguranje bez PDV-a	
1.	HYUNDAI“- putničko vozilo, tip vozila IX 35 2.0 CRDI 16V 4X4, vrsta motora: dizel, snage 135kw, radne zapremine 1995 cm3, 5 vrata, prva registracija 12.12.2011. godine, Broj šasijske: TMAJU81VCCJ250247; Registarskeoznake:073-M-409; Nabavna vrijednost: 49.980,06 KM Godina proizvodnje: 2011. g. Zadnja registracija: 13.12.2023. godine	1	444,00 KM	345,42 KM	
2.	Škoda Oktavija“, tip Ambienta, vrsta motora: benzin, snage 59 kw, radne zapremine 1390 cm3, 5 vrata, prva registracija 13.12.2012. godine: Broj šasijske: TMBCX21Z3D2084262; Registarske oznake : E83-O-974; Nabavna vrijednost: 24.986,00 KM Godina proizvodnje: 2012. godine. Zadnja registracija: 10.01.2024. godine	1	279,00 KM	166,20 KM	
3.	Zeleni karton – međunarodna isprava o osiguranju od automobilske odgovornosti za štete počinjenje počinjene trećim licima u inostranstvu, koja se izdaje za vozila registrovana u Bosni i Hercegovini, sa rokom važnosti 12 mjeseci, odnosno 1 godinu od	2			8,00

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant\_tuz@bih.net.ba, Web stranica: kt-sarajevo.pravosudje.ba

	dana registracije vozila.			
		723,00 KM	511,62 KM	800 KM
	<b>UKUPNO:</b>	<b>1.242,62 KM</b>		

Cijeneći naprijed navedeno, primjenom člana 64. stav (1) tačka a) ekonomski najpovoljnija ponuda ZJN, odlučeno je kao u dispozitivu.

**POUKA O PRAVNOM LIJEKU:**

Protiv ove Odluke dopuštena je žalba u pisanoj formi, koja se podnosi Ugovornom organu u roku od 5 (pet) dana od dana prijema Odluke, a u skladu sa članom. 99. i 101. stav (5) tačka c) ZJN.



**Dostavljeno:**

- Ponuđači 6x putem e-maila,
- Komisija,
- a/a.